

Landesbibliothek Oldenburg

Digitalisierung von Drucken

Die Chronica Jeuerensis

Springer, Eilerdt

Jever, 1896

Hir wert ersten Graue Gerdt van Oldenborch, vnd Juncker Edo tho Jeuer
gedacht.

urn:nbn:de:gbv:45:1-4358

Hir wert ersten Graue
Gerdt van Oldenborch, vnd Juncker Edo
tho Jeuer gedacht.

Hirna starff de Eddele vnnnd gestrenge Ridder,
her Sibe vann Nordorum, her Vmmekenn Vader tho
Esens, binnen Embdenn, vnnnd is tho Esens begrauenn,
welcker na Graue Olrikes dode was gewesenn Eine
vorstender gewesenn tho Embden by Negen Jarlanck.

Imsuluigenn Jare is gestoruen Frouwe Marga-
reta vann Westerwolde, her Sibe andere Husfrouwe
mit eren Kindern.

Anno 1478. Hefft Hero Mauris vann Dornumde
de Fredeborch Inn gehabt vann Edo Wineken tho
Jeuer, vnnnd her Vmmeken tho Esense.

Anno 1483. Do Wart de Nie kercke tho Sil-
monnick an gelecht vnnnd gebuwet.¹⁾

III. [Anno 1495.] Hefft Graue Edtzart vann Ostfres-
landt sin Leger vp gebrakenn, vnnnd strackes na denn
Ostringenn Velde getagenn, wo woll Juncker Edo
vann Jeuer, vnnnd her Vmmekenn tho Esense, de do-
mals mit alle sinen vndersaten vann Witmunde vnnnd
Esense by Juncker Edenn by der Landtwehr ge-
wesenn weren, sick dar geholdenn, vnnnd haddenn
woll gemeinet, dat Graue Edtzart mit sinen Kriges-
ludenn, wedder Inn sin Landt treckenn wolde, Auerst
do Graue Edtzart neuen dem Closter Ostringe velde
gekamenn, hefft he sin Volck recht vp na dem ge-
richte geleidet, vnnnd euen mit einer Stenbussen, mit
einen Witten perde, vnnnd de Busse vp einen haluen

*große
Lücke!*

¹⁾ An dieser Stelle fügt die Springersche Chronik von 1594 aus
Remmer von Seediicks Annalen die Erzählung der Verrätereie Fulfs
von Inhausen und Ikos von Kniphausen ein mit geringen Abweichungen
von Remmer.

wagenn vme der Slachordinge theen latenn, vnnnd he also na gekamenn, hefft he den witten Gule gewendet mit dem geschutte, vnnnd vort denn rechten wech vth benedden den Ronnebome denn erstenn Steen geschatenn. Vnnnd also de Graue gemercket, dat Juncker Edo vnnnd her Vmmekenn de schantze vorsehen, hefft he sine Ordeninge geswenget, vnnnd vor de Landtwehr Auer gekamenn Int Westenn, vnnnd dat gerichte vme getagenn, vp dat he De Landtwehre bynnen Inlangest schetenn mochte, vnnnd hefft dat vorgeschreuen geschutte vnnnd Busse mit denn sinen dartho vorordent, de vorbedachte strate tho beholdende, vnnnd hebbenn etlike van her Vmmekenn Volcke vnnnd sust van denn Wangers geschatenn, Middeler tidt hefft sick ein geschreye tho gedragenn, dat alle de Int¹⁾ Heren Lude vann Esense sin, willen afftehen, mit denn geschreye sint de vann Esense vnnnd Witmunde affgetagenn.

Do hebbenn de gemenen Wangers sampt denn gemeinen vndersatenn gerne einen standt wollenn gripenn Jegen denn Grauen vann Ostfreslandt, vnnnd einer Innsunderheit Popke tho Hodense, de denn Hoth hefft gedragenn, wente men woste do vann nenen Fenelen tho seggende, vnnnd geropenn, stadt leuenn Wangers stadt, hefft auerst Inn der Ile nicht na sinen willenn geraden. Also hefft Juncker Edo tho Jeuer, wo woll vngerne vth der Landtwehre mit den sinenn tehen mothen, vnnnd Graue Edtzart denn toch na Jeuer gunnen motenn, Jedoch hefft Juncker Edo mit denn sinenn erholdenn, vnnnd denn Grauen wedderstandt gedan, so lange, dat sine gnade dat Huss Jeuer mit Knechtenn vnnnd Husluden, so dartho vorordent werenn, vnnnd hefft also dat Huss Jeuer bestellt mit Sosshundert Man vnnnd Krigesknechtenn. Juncker Edo hefft ock vorschaffet, dat siner gnadenn

¹⁾ Verschrieben für mines.

Husfrouwe her Vmmecken Suster, mit eren Kindern Is vann Jeuer affgetagenn, vnnnd vp Witmunde dat belach auer sick gehalten.

Als nu dat Huss Jeuer also vorsehen is gewesenn, Hefft Juncker Edo de gemenen vndersatenn gedancket, vnnnd einen iedern vorlouet na denn eren wedder tho tehen, Vnnnd do mals hebbenn ock de Senwerders, also vndersatenn tho Jeuer, mede Inn de Schantze Jegenn denn Grauenn vann Ostfreslandt, sick gewehret, vnnnd hefft denn gemenen vndersatten gelouet, tho Huss tho tehen, vnnnd mochten ock woll Huss vnnnd gutt vordingenn, Auerst denn Grauenn nicht wider Anhengich makenn offte vorpflichtenn, vnnnd by dem Huse tho Jeuer tho bliuen.

Darna is Juncker Edo mit groter swackheit vnnnd schwarheit vann sinen vndersatenn getagenn na Wangeroch, vnnnd tho Schepe vth dem Lande gereiset.

Anno 1495. Des Frigidages vor Pingestenn vp denn Auent, Is Graue Edtzart vann Ostfreslandt, vor Jeuer gekamenn, vnnnd sick daruor gelegert, wente vp Bartholomey.

Middeler tidt hefft Juncker Edo Houetlinge tho Jeuer, mit Bisschop Hinrick vann Schwartzenborch gehandelt, dat dat Belach mochte van Jeuer affgeschaffet werden.

Do hebbenn de Krigeslude de sus Int Landt genoret mit sampt andern des Grauen vorwantenn, dat Landt Jeuer geplundert, Alle Gades Huse gespolert, dat nicht thouoren Inn Freslandt geschien was, vnnnd Inn denn Kerckenn etlike Dusent gulden schaden gedan.

Darna hefft Graue Edtzart de gemene Lande geschattet, vnnnd dorch guden gelouen de Armen Ludenn geuangenn genamenn, Insunderheit de vp Schortenser Torne werenn, vnnnd de vnderhandelinghe dat Sacramente darup tho entfangenn, dat ene gelouen

scholde gehalten werden. Vp solckenn thogesechtenn gelouen, sint de Armen Lude van den Torne gegang, vnnnd sint vort van den Grauen geuencklich genamen, vnd Jammerliken gebrandtschattet, dat se thom deele Erue vnnnd gudt vnnnd blodt sint berouet geworden.

Darna hefft Graue Edtzart bestelt, Dat Alle perde, Harnische vnnnd Spete scholden Int Leger gebracht werden vor Jeuer, vnnnd Allent wat noch yn dem Lande were, vnd wor men wat befragen konde, Also vorde Graue Edtzart alle perde vnnnd gewehre vnnnd Rustinge mit sick vth denn Jeueringer Landt, vnnnd leth alle den vndersaten ere Spet Isären affhouwenn, vnnnd de Holter wedder na Hus nemen.

De erste belegeringe vor de Fredeborch.

Nadem nu Juncker Edo vann Graue Edtzart Aldus — wo gemeldet — Auergetagen, Jeuer belecht, De Lande gerouet vnnnd geplundert dartho de Armen vndersaten swar gebrandtschattet, Hefft Juncker Edo gelike woll dat Huss Jeuer genochsam vorsehen, mit Vittallingen vnnnd kost dartho mit Landesknechten vnnnd Husluden woll vorsorget, vnnnd hefft sick verbunden mit Bisschop Hinrick van Brunswick, vnnnd mit eme gehandelt, dat he mit geweldiger Handt Graue Edtzart wolde wedder auerfallenn, welcher Hertoch Hinrich ock gedan, vnnnd is gekamenn, vnnnd de Fredeborch belecht.

Also Graue Edtzart dith vornam, toch he mit sinen Leger vor Jeuer vp, vnnnd trachtete darna, wo he tho einen fruntlichen Handel mit denn Bisschop mochte kamen. Middeler tidt hebbenn de Knechte van dem Huse Jeuer gerouet vnnnd gebrandt de Sengwerders, Fedderwerders vnnnd Ackmers, de do ersten vann Juncker Edo vnd dem Lande weren affgeuallenn, vnnnd dem Grauen vann Embden thogeuallen, dorch Folff vann Knipens handelinge, welcher